

阿毗曇八捷度論卷第二十五

靈五

迦 旃 延 子 造

苻秦罽賓三藏僧伽提婆共竺佛念譯

定捷度第七之一

過去得謂緣 解脫阿那舍 一行最在後

過去得跋渠第一

若得過去法彼得過去設得過去彼得過去法若未來現在善不善無記欲界繫色界繫無色界繫學無學非學非無學見諦斷思惟斷若得不斷法彼得不斷設得不斷彼得不

斷法諸法善無色生彼善心俱耶設善心俱彼法善無色不善無記欲界繫色界繫無色界繫學無學非學非無學見諦斷思惟斷不斷法無色生彼不斷心俱耶設不斷心俱彼法不斷無色耶一切初禪五種耶一切第二禪四種一切第三禪五種一切第四禪四種耶味相應初禪入當言味起當言味耶味相應乃至有想無想入當言味起當言味耶諸味相應初禪彼一切隱沒無記耶設隱沒無記彼一切味相應初禪耶諸味相應乃至有

想無想彼一切隱沒無記耶設隱沒無記彼一切味相應乃至有想無想耶頗不入初禪入第二禪耶頗乃至不入不用定入有想無想耶頗不入初禪生初禪耶頗乃至不入有想無想生有想無想耶若得初禪非第二彼命終生何所若乃至得不用定非有想無想彼命終生何所云何意所念入慈云何意所念入悲喜護慈何繫結滅悲喜護何繫結滅淨初禪何繫結滅淨乃至有想無想何繫結滅初解脫乃至第八解脫初除入乃至第八

除入初一切入乃至第十一切入法智乃至道智空無願無相何繫結滅慈報何所受報悲喜護報何所受報淨初禪報何所受報淨乃至有想無想報何所受報初解脫乃至第八解脫初除入乃至第八除入初一切入乃至第十一切入知他人心智等智報何所受報此章義願具演說若得過去法彼得過去耶答曰或彼過去或未來或現在設得過去彼得過去法耶答曰或彼過去或未來或現在或無為過去若得未來法彼得未來耶答

曰或彼過去或未來或現在設得未來彼得
 未來法耶答曰或彼過去或未來或現在或
 無為竟未來若得現在法彼得現在耶答曰或
 彼過去或未來或現在設得現在彼得現在
 法耶答曰或彼過去或未來或現在或無為
現在若得善法彼得善耶答曰如是設得善
 彼得善法耶答曰如是若得不善法彼得不
 善耶答曰如是設得不善彼得不善法耶答
 曰如是若得無記法彼得無記耶答曰如是
 設得無記彼得無記法耶答曰如是若得欲

界繫法彼得欲界繫耶答曰如是設得欲界
 繫彼得欲界繫法耶答曰如是若得色界繫
 法彼得色界繫耶答曰如是設得色界繫彼
 得色界繫法耶答曰或彼色界繫或不繫若
 得無色界繫法彼得無色界繫耶答曰如是
三設得無色界繫彼得無色界繫法耶答曰或
 彼無色界繫或不繫若得學法彼得學耶答
 曰如是設得學彼得學法耶答曰或彼學或
 非學非無學若得無學法彼得無學耶答曰
 如是設得無學彼得無學法耶答曰或彼無

學或非學非無學若得非學非無學法彼得
 非學非無學耶答曰或彼學或無學或非學
 非無學設得非學非無學彼得非學非無學
 法耶答曰如是若得見諦斷法彼得見諦斷
 耶答曰如是設得見諦斷彼得見諦斷法耶
 答曰如是若得思惟斷法彼得思惟斷耶答
 曰如是設得思惟斷彼得思惟斷法耶答曰
 或彼思惟斷或不斷若得不斷法彼得不斷
 耶答曰或彼思惟斷或不斷設得不斷彼得
 不斷法耶答曰如是得諸法善無色生彼善

心俱耶答曰或法善無色生善心俱不善心
 俱無記心俱云何法善無色生善心俱答曰
 諸法彼心相應彼俱有善是謂法善無色生
 善心俱云何法善無色生不善心俱答曰如
 不善心若退若生善法得生是謂法善無色
 生不善心俱云何法善無色生彼無記心俱
 耶答曰如無記心若退若生善法得生是謂
 法善無色生無記心俱設諸法善心俱生彼
 法善無色耶答曰或法善心俱生善無色無
 記無色云何法善心俱生善無色答曰諸法

彼心相應彼俱有善是謂法善心俱生善無
 色云何法善心俱生無記無色答曰如善心
 勝進無記法得生如住善心無記根長益四
 大增益輒美飽彼法諸得生老無常是謂法
 善心俱生無記無色善諸法不善無色生彼
 不善心俱耶答曰或法不善無色生不善心
 俱無記心俱云何法不善無色生不善心俱
 答曰諸法彼心相應彼俱有不善是謂法不
 善無色生不善心俱云何法不善無色生無
 記心俱答曰如無記心若退若生不善法得

生是謂法不善無色生無記心俱設諸法不
 善心俱生彼法不善無色耶答曰或法不善
 心俱生不善無色善無色無記無色云何法
 不善心俱生不善無色答曰諸法彼心相應
 彼俱有不善是謂法不善心俱生不善無色
 云何法不善心俱生善無色答曰如不善心
 若退若生善法得生是謂法不善心俱生善
 無色云何法不善心俱生無記無色答曰如
 不善心若退若生無記法得生如住不善心
 無記根長益四大增益輒美飽彼法諸得生

老無常是謂法不善心俱生無記無色不善
 諸法無記無色生彼無記心俱耶答曰或法
 無記無色生無記心俱善心俱不善心俱云
 何法無記無色生無記心俱答曰諸法彼心
 相應彼俱有無記是謂法無記無色生無記
 心俱云何法無記無色生善心俱答曰如善
 心勝進無記法得生如住善心無記根長益
 四大增益輒美飽彼法諸得生老無常是謂
 法無記無色生善心俱云何法無記無色生
 不善心俱答曰如不善心若退若生無記法

得生如住不善心無記根長益四大增益輒
 美飽彼法諸得生老無常是謂法無記無色
 生不善心俱設諸法無記心俱生彼法無記
 無色耶答曰或法無記心俱生無記無色善
 無色不善無色云何法無記心俱生無記無
 色答曰諸法彼心相應彼俱有無記是謂法
 無記心俱生無記無色云何法無記心俱生
 善無色答曰如無記心若退若生善法得生
 是謂法無記心俱生善無色云何法無記心
 俱生不善無色答曰如無記心若退若生不

善法得生是謂法無記心俱生不善無色無記諸法欲界繫無色生彼欲界繫心俱耶答曰或法欲界繫無色生欲界繫心俱色界繫心俱無色界繫心俱不繫心俱云何法欲界繫無色生欲界繫心俱答曰諸法彼此相應彼俱有欲界繫是謂法欲界繫無色生欲界繫心俱云何法欲界繫無色生色界繫心俱答曰如色界繫心若生若勝進欲界繫法得生如住色界繫心欲界繫根長益四大增益軟美飽此法諸得生老無常是謂法欲界繫

無色生色界繫心俱云何法欲界繫無色生無色界繫心俱答曰如無色界繫心住欲界繫根長益四大增益軟美飽此法諸得生老無常是謂法欲界繫無色生無色界繫心俱云何法欲界繫無色生不繫心俱答曰如不繫心勝進欲界繫五法得生如不繫心住欲界繫根長益四大增益軟美飽此法諸得生老無常是謂法欲界繫無色生不繫心俱設諸法欲界繫心俱生彼法欲界繫無色耶答曰或法欲界繫心俱生欲界繫無色色界繫無

色無色界繫無色不繫無色云何法欲界繫
 心俱生欲界繫無色答曰諸法彼心相應彼
 俱有欲界繫是謂法欲界繫心俱生欲界繫
 無色云何法欲界繫心俱生色界繫無色答
 曰如欲界繫心若退若生色界繫法得生是
 謂法欲界繫心俱生色界繫無色云何法欲
 界繫心俱生無色界繫無色答曰如欲界繫
 心若退若生無色界繫法得生是謂法欲界
 繫心俱生無色界繫無色云何法欲界繫心
 俱生不繫無色答曰如欲界繫心退不繫法

得生是謂法欲界繫心俱生不繫無色欲界
 諸法色界繫無色生彼色界繫心俱耶答曰
 或法色界繫無色生色界繫心俱欲界繫心
 俱無色界繫心俱不繫心俱云何法色界繫
 無色生色界繫心俱答曰諸法彼心相應彼
 俱有色界繫是謂法色界繫無色生色界繫
 心俱云何法色界繫無色生欲界繫心俱答
 曰如欲界繫心若退若生色界繫法得生是
 謂法色界繫無色生欲界繫心俱云何法色
 界繫無色生無色界繫心俱答曰如無色界

繫心住色界繫根長益四大增益輒美飽此
法諸得生老無常是謂法色界繫無色生無
色界繫心俱云何法色界繫無色生不繫心
俱答曰如不繫心勝進色界繫法得生如不
繫心住色界繫根長益四大增益輒美飽此
法諸得生老無常是謂法色界繫無色生不
繫心俱設諸法色界繫心俱生彼法色界繫
無色耶答曰或法色界繫心俱生色界繫無
色欲界繫無色無色界繫無色不繫無色云
何法色界繫心俱生色界繫無色答曰諸法

彼心相應彼俱有色界繫是謂法色界繫心
俱生色界繫無色云何法色界繫心俱生欲
界繫無色答曰如色界繫心若勝進欲界繫
法得生如色界繫心住欲界繫根長益四大
增益輒美飽此法諸得生老無常是謂法色
界繫心俱生此欲界繫無色云何法色界繫
心俱生無色界繫無色答曰如色界繫心若
退若生無色界繫法得生是謂法色界繫心
俱生無色界繫無色云何法色界繫心俱生
不繫無色答曰如色界繫心若退若勝進不

繫法得生是謂法色界繫心俱生不繫無色
色界竟諸法無色界繫無色生彼無色界繫心
 俱耶答曰或法無色界繫無色生無色界繫
 心俱欲界繫心俱色界繫心俱不繫心俱云
 何法無色界繫無色生無色界繫心俱答曰
當五諸法彼心相應彼俱有無色界繫是謂法無
 色界繫無色生無色界繫心俱云何法無色
 界繫無色生欲界繫心俱答曰如欲界繫心
 若退若生無色界繫法得生是謂法無色界
 繫無色生欲界繫心俱云何法無色界繫無

色生色界繫心俱答曰如色界繫心若退若
 生無色界繫法得生是謂法無色界繫無色
 生色界繫心俱云何法無色界繫無色生不
 繫心俱答曰如不繫心勝進無色界繫法得
 生是謂法無色界繫無色生不繫心俱設諸
 法無色界繫心俱生彼法無色界繫無色耶
 答曰或法無色界繫心俱生無色界繫無色
 欲界繫無色色界繫無色不繫無色云何法
 無色界繫心俱生無色界繫無色答曰諸法
 彼心相應彼俱有無色界繫是謂法無色界

繫心俱生無色界繫無色云何法無色界繫
心俱生欲界繫無色答曰如無色界繫心住
欲界繫根長益四大增益軟美飽此法諸得
生老無常是謂法無色界繫心俱生欲界繫
無色云何法無色界繫心俱生色界繫無色
答曰如無色界繫心住色界繫根長益四大
增益軟美飽此法諸得生老無常是謂法無
色界繫心俱生色界繫無色云何法無色界
繫心俱生不繫無色答曰如無色界繫心若
退若勝進不繫法得生是謂法無色界繫心

永樂北藏

阿毗曇八犍度論

第一一九册

俱生不繫無色無色界竟諸法學無色生彼學心
俱耶答曰或法學無色生學心俱非學非無
學心俱云何法學無色生學心俱答曰諸法
彼心相應彼俱有學是謂法學無色生學心
俱云何法學無色生非學非無學心俱答曰
如非學非無學心若退若勝進學法得生是
謂法學無色生非學非無學心俱設諸法學
心俱生彼法學無色耶答曰或法學心俱生
學無生非學非無學無色云何法學心俱生
學無色答曰諸法彼心相應彼俱有學是謂

法學心俱生學無色云何法學心俱生非學
 非無學無色答曰如學心勝進非學非無學
 法得生如學心住非學非無學根長益四大
 增益多也軟美飽增也彼法諸得生老無常是謂
 法學心俱生非學非無學無色學諸法無學
 無色生彼無學心俱耶答曰或法無學無色
 生無學心俱非學非無學心俱云何法無學
 無色生無學心俱答曰諸法彼心相應俱有
 無學是謂法無學無色生無學心俱云何法
 無學無色生非學非無學心俱答曰如非學

非無學心若退若勝進無學法得生是謂法
 無學無色生非學非無學心俱設諸法無學
 心俱生彼法無學無色耶答曰或法無學心
 俱生無學無色非學非無學無色云何法無
 學心俱生無學無色答曰諸法彼心相應彼
 俱有無學是謂法無學心俱生無學無色云
 何法無學心俱生非學非無學無色答曰如
 無學心勝進非學非無學法得生如無學心
 住非學非無學根長益四大增益軟美飽此
 法諸得生老無常是謂法無學心俱生非學

非無學無色竟無學諸法非學非無學無色生
 彼非學非無學心俱耶答曰或法非學非無
 學無色生非學非無學心俱有學心俱無學
 心俱云何法非學非無學無色生非學非無
 學心俱答曰諸法彼心相應彼俱有非學非
 無學是謂法非學非無學無色生非學非無
 學心俱云何法非學非無學無色生學心俱
 答曰如學心勝進非學非無學法得生如學
 心住非學非無學根長益四大增益較美飽
 此法諸得生老無常是謂法非學非無學無

色生學心俱云何法非學非無學無色生無
 學心俱答曰如無學心勝進非學非無學法
 得生如無學心住非學非無學根長益四大
 增益較美飽彼法諸得生老無常是謂法非
 學非無學無色生無學心俱設諸法非學非
 無學心俱生彼法非學非無學無色耶答曰
 或法非學非無學心俱生非學非無學無色
 學無色無學無色云何法非學非無學心俱
 生非學非無學無色耶答曰諸法彼心相應
 彼俱有非學非無學是謂法非學非無學心

俱生非學非無學無色也云何法非學非無
 學心俱生學無色答曰如非學非無學心若
 退若勝進學法得生是謂法非學非無學心
 俱生學無色云何法非學非無學心俱生無
 學無色答曰如非學非無學心若退若勝進
 無學法得生是謂法非學非無學心俱生無
 學無色非學非無學竟也諸法見諦斷無色生彼見
 諦斷心俱生耶答曰或法見諦斷無色生見
 諦斷心俱生思惟斷心俱云何法見諦斷無色
 生見諦斷心俱答曰諸法彼心相應彼俱有

見諦斷是謂法見諦斷無色生見諦斷心俱
 云何法見諦斷無色生思惟斷心俱答曰如
 思惟斷心若退若生見諦斷法得生是謂法
 見諦斷無色生思惟斷心俱設諸法見諦斷
 心俱生彼法見諦斷無色耶答曰或法見諦
 斷心俱生見諦斷無色思惟斷無色云何法
 見諦斷心俱生見諦斷無色答曰諸法彼心
 相應彼俱有見諦斷是謂法見諦斷心俱生
 見諦斷無色云何法見諦斷心俱生思惟斷
 無色答曰如見諦斷心若退若生思惟斷法

得生如見諦斷心住思惟斷根長益四大增
益軟美飽彼法諸得生老無常是謂法見諦
斷心俱生思惟斷無色見諦竟

阿毗曇八捷度論卷第二十五

卷五

永樂北藏

阿毗曇八捷度論

第一一九册

永樂北藏

阿毗曇八犍度論

第一一九册